



REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr. 240, Datë 14.11.2024

MBI

**PËRCAKTIMIN E ÇMIMIT TË SHITJES SË ENERGJISË ELEKTRIKE NGA
FURNIZUESI I MUNDËSISË SË FUNDIT PËR MUAJIN TETOR 2024 PËR KLIENËTËT
E LIDHUR NË NIVELIN E TENSIONIT 35 KV**

Në mbështetje të neneve 16 dhe 87, pika 4 të ligjit nr. 43/2015 “Për sektorin e energjisë elektrike” i ndryshuar; Metodologjisë së përcaktimit të çmimit të shitjes së energjisë elektrike nga furnizuesi i mundësisë së fundit, miratuar me vendimin e bordit të Entit Rregullator të Energjisë (ERE) nr. 201, datë 04.12.2017, e ndryshuar; dhe nenit 15 të Rregullores për organizimin, funksionimin dhe procedurat e ERE-s, miratuar me vendimin e bordit të ERE-s nr. 96, datë 17.06.2016; Bordi i ERE-s, në mbledhjen e tij të datës 14.11.2024, pasi shqyrtoi relacionin me nr. 2024/5 prot., datë 12.11.2024, të përgatitur nga Drejtoria e Tarifave dhe Çmimeve “Mbi përcaktimin e çmimit të shitjes së energjisë elektrike nga furnizuesi i mundësisë së fundit për muajin tetor 2024 për klientët e lidhur në nivelin e tensionit 35 kV”,

Konstatoi se:

- FSHU sh.a me shkresën nr. 6978 prot., datë 05.11.2024, protokolluar me tonën me nr. 2361 prot., datë 07.11.2024, ka depozituar në ERE kërkesën mbi miratimin e çmimit të shitjes së energjisë elektrike për muajin tetor 2024, për klientët e lidhur në nivelin e tensionit 35 kV, të cilët furnizohen nga Furnizuesi i Mundësisë së Fundit. Bazuar në aplikimin e sipërcituar, për muajin tetor 2024 shoqëria FSHU sh.a. e ka siguruar sasinë e energjisë elektrike për mbulimin e kërkesës për energji të kësaj kategorie klientësh nëpërmjet blerjeve mujore në Bursën Shqiptare të Energjisë (ALPEX).
- Për përlllogaritjen e çmimit mesatar të ponderuar të blerjes së energjisë elektrike për këtë periudhë (ÇBET), FSHU sh.a. është bazuar në blerjet ditore/mujore të saj në Bursën Shqiptare të Energjisë Elektrike për muajin tetor 2024, profilet ditore të prokuruar në Bursë, çmimin ditor/orar si dhe vlerën e faturës ditore.
- ERE nëpërmjet postës elektronike më datë 07.10.2024 i kërkoi shoqërisë FSHU sh.a. për efekt të vlerësimit dhe transparencës së procedurës për përlllogaritjes e kostos mesatare të ponderuar të blerjes së energjisë elektrike (ÇBET) nga FSHU sh.a. në rolin e Furnizuesit të Mundësisë së Fundit, të paraqesë faturat e muajit shtator 2024 të energjisë elektrike të prokuruar në Bursën Shqiptare të Energjisë. Shoqëria FSHU sh.a. përcolli dokumentacionin e kërkuar në formatin excel me shkresën protokolluar në ERE me nr. 2024/4 prot., datë 14.10.2024, duke përfshirë

bashkëlidhur, Faturat e Blerjes së energjisë elektrike për muajin shtator 2024, Tabelat përmbledhëse ditore dhe Tabelat e përlllogaritjes në lidhje me aplikimin mbi miratimin e çmimit të shitjes së energjisë elektrike për klientët 35 kV për muajin shtator 2024.

- Pas shqyrtimit të materialeve të përcjella, me anë të shkresës nr. 2024/4 prot., datë 11.11.2024 nga shoqëria FSHU sh.a. u evidentuan se:
 - Ekzistojnë diferenca të konsiderueshme mes çmimeve orare të blerjes së energjisë në tregun e ALPEX për muajin shtator 2024 si dhe rezultueseve të çmimeve mesatare të ponderuara ditore me çmimet orare dhe kostot mesatare të ponderuara ditore të paraqitura në aplikimin për miratimin e çmimit FMF 35 kV të muajit shtator 2024.
 - Referuar të dhënave mbi sasi të nominuara të energjisë elektrike në bazë orare për nivelin e tensionit 35 kV u evidentuan vlera të pandryshuara ndërkohë që, për vlerat e sasive të nominuara të energjisë elektrike për nivelin e tensionit 20/10/6 kV u konstatua volatilitet përgjatë orëve të një dite. Gjithashtu, u kërkua paraqitja e arsyesimeve dhe e komunikimeve të zhvilluara mes FSHU sh.a dhe ALPEX sh.a në kuadër të sasisë së nominuar në bazë orare për muajin shtator 2024, për nivelin e tensionit 35 kv.
- Referuar të dhënave të mësipërme, rezulton se çmimi mesatar i ponderuar i blerjes së energjisë elektrike (ÇBEt) i përlllogaritur nga shoqëria për muajin tetor 2024 është 10.42 lekë/kwh. Për efekt kontrolli të të dhënave të paraqitura, u konsiderua e arsyeshme rillogaritja e tyre, nga e cila rezultoi se mesatarja e ponderuar e çmimit të blerjes së energjisë elektrike është 10.42 lekë/kwh, sikurse pasqyruar edhe në përlllogaritjet e përcjella nga vetë shoqëria.
- Referuar aplikimit të shoqërisë FSHU sh.a., rezulton se është marrë në konsideratë kursi ditor i këmbimit (euro/lekë), vlera të cilat janë bazuar në kurset zyrtare të këmbimit të publikuara nga Banka e Shqipërisë për periudhën kohore 30.09.2024 -30.10.2024.
- Mbështetur në nenin 8 të *Metodologjisë së përcaktimit të çmimit të shitjes së energjisë elektrike nga Furnizuesi i Mundësisë së Fundit*, miratuar me vendimin e bordit të ERE-s nr. 201, datë 04.12.2017, e ndryshuar, komponentët që janë marrë në konsideratë për përcaktimin e çmimit të shitjes së energjisë elektrike nga Furnizuesi i Mundësisë së Fundit për muajin tetor 2024 janë: kostot administrative, tarifa e shërbimit të rrjetit të transmetimit, tarifa e shërbimit të rrjetit të shpërndarjes si dhe kursi i këmbimit i përdorur për blerjen e energjisë elektrike në treg të parregulluar.
 - **Tarifa e shërbimit të transmetimit të energjisë elektrike** e cila për periudhën 1 Maj 2022 – 31 Dhjetor 2024, e miratuar me vendimin e bordit të ERE-s nr. 72, datë 13.04.2022, është 0.85 lekë/kWh.
 - **Tarifa e shërbimit të shpërndarjes në nivel tensioni 35 kV**, e cila mbështetur në vendimin të bordit të ERE-s nr. 365, datë 15.12.2023, “Mbi lënien në fuqi të vendimit të bordit të ERE-s nr. 73, datë 13.04.2022, vijon të jetë 1.55 lekë/kWh.
 - **Kostot administrative**, të cilat në zbatim të vendimit të bordit të ERE nr. 366, datë 15.12.2023, “Mbi lënien në fuqi të vendimit të bordit të ERE-s nr. 74, datë 13.04.2022, vijnë të jenë 1.06 lekë/kWh.
- Në zbatim të *Metodologjisë së përcaktimit të çmimit të shitjes së energjisë elektrike nga Furnizuesi i Mundësisë së Fundit*, referuar aplikimit të FSHU sh.a. si dhe mbështetur në

Ilogaritjet e ERE-s, çmimi i shitjes së energjisë elektrike për klientët që furnizohen nga Furnizuesi i Mundësisë së Fundit për muajin tetor 2024, përlllogaritjet si më poshtë:

<i>Çmimi i energjisë elektrike të furnizuar nga Furnizuesi i Mundësisë së Fundit për klientët e lidhur në nivelin e tensionit 35 kV për muajin tetor 2024</i>			
		Njësia	Çmimi
CBEt	Çmimi mesatar i ponderuar i blerjes së energjisë elektrike	Lekë/kWh	10.42
Pr	Kthimi për riskun i përcaktuar në përqindje për vitin (3%)	Lekë/kWh	0.31
CA	Kosto administrative të Furnizuesit të Mundësisë së Fundit	Lekë/kWh	1.06
TRr	Tarifa e përdorimit të rrjetit të transmetimit	Lekë/kWh	0.85
TSHt	Tarifa e përdorimit të rrjetit të shpërndarjes	Lekë/kWh	1.55
Çmimi i energjisë = CBEt +Pr* CBEt+ TRr+TSHt+CA		Lekë/kWh	14.19

- Bazuar në çdo element të formulës llogaritëse si dhe duke marrë në konsideratë të dhënat e paraqitura në aplikimin e shoqërisë, rezulton se:
 - Çmimi i shitjes së energjisë elektrike për klientët e lidhur në nivelin e tensionit 35 kV të furnizuar nga Furnizuesi i Mundësisë së Fundit do të jetë *14.19 Lekë/kWh për muajin tetor 2024.*

Për gjithë sa më sipër, bordi i ERE-s,

Vendosi:

1. Përcaktimin e çmimit të shitjes së energjisë elektrike të furnizuar nga Furnizuesi i Mundësisë së Fundit për muajin **tetor 2024 prej 14.19 Lekë/kWh për klientët e lidhur në nivelin e tensionit 35 kV.**
2. Drejtoria e Tarifave dhe Çmimeve, të njoftojë aplikuesin për vendimin e bordit të ERE-s.

Ky vendim hyn në fuqi menjëherë.

Çdo palë e përfshirë në këtë procedurë mund t'i kërkojë ERE-s, brenda 7 ditëve kalendarike nga data e marrjes së vendimit, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI

Petrit AHMETI